

江陰縣志卷之二十四

寺觀

郡邑巖宮一耳而浮屠老子之居所在多有豈佞佛學仙者之倍於崇儒歟然六代宗尚二氏而南朝四百八十寺僅在樓臺煙雨中想像得之固不獨王侯第宅有華屋山邱之慨也同治間奏定不列祀典菴廟不準復建是以新構絕少間有存者為方外逖跡焉若玄都舊跡蘭若幽居僅存空名而已志寺觀寺

廣福禪寺在大街廣福寺巷內規制宏敞為邑中諸刹冠江陰縣志

卷二十四 寺觀 寺

大殿安奉

龍亭慶節朝

賀宣講

聖諭開讀

詔書皆詣焉本乾明廣福二院其一古崇聖院宋太平興國五年賜額乾明其一初名華藏為乾明子院治平間賜名壽聖紹興間改廣福乾道九年知軍嚴煥請於朝始併為一大殿三間殿後為法堂堂後潮音閣亦名萬佛閣高十二丈兩廡僧房曰白雲覺凡懷樓水月幻居遠塵又有毘盧閣

前白雲為方丈水月為公善堂遠塵毘盧閣久廢

地藏殿泛海殿

泛海者天聖元年觀音像泛海而至建殿奉之宋王孝
竭元胡應青俱有記胡記趙孟頫書前為天王殿殿前
山門殿東西鐘鼓樓鼓樓圯鐘樓高六丈鐘元至正九
年鑄明宏治九年潮音閣火嘉靖十五年正殿火寺僧
募修萬曆四十二年割寺西翼建學使署

國朝康熙十二年學使俞二球捐修乾隆八年知縣蔡澍倡

捐重建正殿泛海殿天王殿兩廊諸宇五十八年淮商
捐銀五千邑士民助捐修葺道光十二年學使廖鴻荃
知縣陳希敬倡修大殿十八年邑人重修天王殿咸豐
十年燬今東廡僧房次第重建

江陰縣志

卷三

寺觀

二

重建觀音殿記

宋縣尉 胡應青

暨陽乾明廣福禪刹舊為壽聖院西廡有殿祠觀世音
大士實邦人祈福所宋天聖間像浮海至壽聖迎以歸
嚴事之嘗感夢吳氏子斷臂復完石志足徵也殿多歷
年所穿風漏雨更幾住持過弗問南山祖師暉坐丈席
銳以興起自任謁諸檀信哀金粟拮据將茶靡憚勞勤
且捐衣鉢資相其役際州牧戎帥咸樂善勸施撤舊營
新棟隆宇壯丹楹藻梲驚耳奪目恍如小白花巖現紫
金宮闕落成日薈雲滃空士女趨慶合掌讚歎得未曾
有於休哉暉師請記於余余告之曰師知觀世音所以
名乎世間音可以聞不可觀而觀之也何居經云觀其
音當而自得解脫匪觀以音觀以心耳法介惟心心相
照當有自得解脫匪觀以音觀以心耳法介惟心心相
師湖海尊宿緣定慧明教來主是山關垣展關列樹嘉
木羣像軒豁百廢修舉茲事尤大殊勝法宜書余吳之
鄙人宋季筮仕於此久皈敬大士靈響混一後十五載
重來又三十稔若於普門有夙緣雖不敏記何敢辭

重修廣福寺佛殿記

明邑人 湯沐

乾明廣福禪寺在邑城中歷唐宋已有之始分後并復更嘉靖己丑歲釋大永奉祠部劄來住持方期年喟然嘆曰此固祝釐聖壽所匪直聚吾徒為參養計耳吾力縱不能益之而坐視其廢若此豈吾教宜然耶乃謀於僧會釋大題志同議合遍叩檀信哀集眾貲且捐衣鉢用助其役如大雄法輪二殿相貌塑飾金碧輝映土甃巧毀簷棟輦飛餘如廡凡之類以次而將事焉用是入者改觀依者起敬是雖檀越一時之向善匪二釋戒行之素孚招徠感召未克悉致何數十年司守凡幾更而僅見於茲耶予嘗見鄉閭世族之子孫於祖創遺廬舍罔念艱難居者不加葺而坐視其朽甚者舉閒架而市易之以為酒食費其視二釋何如也因其請記重有所感書此以歸之捐貲姓名例列碑陰

重修廣福寺記

國朝知縣蔡澍

予令江陰日以崇正學屏異教為兢兢獨廣福寺久圯倡眾而修之寺於前朝屢有興廢至明萬曆十一年大修祝聖寶殿後九年復修天王殿額其門曰迎龍屆祝釐有司習儀於此歲久不治前後殿繼圯寺僧屢募修

江陰縣志

卷五

寺觀寺

三

龍亭於

今夏余乃捐俸為倡鳩工庀材數月落成恭設祝聖殿之中每遇慶賀率官僚行禮遇朔望亦讀法其中舉唐宋以來千餘年之古刹一朝而改厥觀履其階望其宇興降有儀拜舞有節莫不肅然生敬者幾忘其為梵宮法界矣夫邑之寺以百計獨茲寺為觀瞻所係者特以其為祝釐地耳淇範曰皇建其有極斂時五福用敷錫厥庶民曰子攸好德汝則錫之福但化其偏黨反側之心以其遊於平康正直之王道則所以獲福者在茲矣予即千年選佛之場示萬古尊王之義俾愚夫愚婦之求利益福田者皆曉然於其說之無稽而返而求之於倫紀則所以相生相養而共享夫錫極斂福之休者何廣如之此則予改建廣福寺之意而願與吾民共論之者也因書之以麗於碑

太平興國教寺在南街宋太平興國間建大觀初燼於火

惟存浮圖七級元復建至正間廢明洪武十七年重建

萬曆間修

國朝順治間重建大殿乾隆七年知縣蔡澍重新浮圖重建

天王殿四十七年邑人復新之嘉慶二十二年浮圖架木及頂悉燬於火而甄磬猶巋然屹立咸豐十年大殿及東西僧房俱燬同治十年僧西鴻募捐建觀音殿三間從屋一間十一年又建文昌殿五間

重修興國寺浮圖記

明邑人 夏樹芳

興國寺在邑之南街宋太平興國中遂沿其名元大觀初燼於火惟浮圖七級若魯靈光至正庚申以兵燹廢國朝洪武十七年重建正統間復初浮圖至嘉靖三十七年學士水南張公謂塔為文筆峯有關於學校捐貲助修復以所廢殿基造文筆峯堂宏敞鉅麗匪直為佛土津梁亦以菁菁者莪嘉興多士樂思皇也歲久漸圯萬曆十九年縣令侯官朱公給示修理命義民金態并戒僧太初圓鑛董其事經始之日鑿地而得白金三十

江陰縣志

卷五

寺觀 寺

四

兩是時眾工方聚食廡下獨義民以手觸之人無知者義民則舉手加額曰昔祇園欲建黃金滿空得無類是耶遂與太初慇懃成事太初則堅矢一心昏旦募化四體戰瘁弗為憊復有道人王明淨與太初相為仔肩以故十方檀越雲流川至鳩工庀材金碧輝煌而復得以前餘貲增砌大雄寶殿塔之役始於十九年三月迄於次年六月前後營金一千一百兩有奇殿之役始於二十四年五月迄於次年十月前後營金六百四十兩有奇其佛像迴廊於今始得竣事蓋金石之難為功如此今太初已歸淨土道人亦復化鶴獨一義民黃面瞿瞿指陳功德亦可慨矣茲山之住持曰淨明以一大事因緣不可無述因記其事

續修興國寺浮圖記

國朝邑人 須天祿

吾邑浮圖在天慶門內相傳建自吳赤烏間而寺則以宋太平興國顯蓋體勢魁磊宏整凡塔所同而凌厲統上湧烟浮翠秀爽轟入雲際則較諸郡邑為尤勝考之方輿家言江城局取丙丁上應為羅星北收大江之水嚮南離位象為文明丕振一邑文治且地接鬻序孕靈毓秀脈絡連屬故雖名隸招提而文教之樞紐繫焉滄

桑數更日勃剝落古青蔡公莅治歲久政通人和邑紳士謁於公公親臨相度籌費飭材雲合雨集經始於乾隆庚申迄壬戌季冬而集事自顛至末璀璨麗瑋掩映於園橋壁沼之旁維公之列與斯塔壽於無極是豈尋常興建所可企其萬一哉乃撫實而志其事如此

祥符寺在縣東北隅晉庾冰捨宅建名永安院宋祥符中易今名元季廢明洪武間萬厯間重建尋圯惟遠風樓尚存

國朝康熙十一年割寺址為水師營房寺遂狹樓亦圯咸豐十年燬

迎福講寺在南街初名報恩院唐天祐中陶靜捨宅建殿梁中斷俗呼破寺其牆方勝壞不能甃蓋出古巧匠手

江陰縣志 卷五 寺觀 寺 五

明洪武十八年重修改今名中有冰蓮堂以復法師冬日寫經池上擲筆生蓮故名

國朝嘉慶初僧明如募建後殿咸豐十年燬

報恩光孝禪寺在君山西麓唐天祐間建初名永壽宋淳化間改壽甯紹興間為高宗追福地賜今額又改光孝元季廢明初再建

國朝康熙十一年割其地為水師營房僅存大殿五十八年僧超然募建禪堂五間咸豐十年燬同治七年割地為長江水師協署以餘地重建禪房

禮敬寺在定山北麓宋乾道間建元季廢明洪武元年重

建

國朝康熙間僧靈曜修道光十八年重修咸豐十年燬

太清寺在砂山本太清觀舊址唐天祐間建宋景德間賜

額景德院元至正間易今名後兵廢明洪武元年重建

成化六年修

國朝康熙三十六年僧浩然募建大殿雍正十二年重建天

王殿道光七年僧達如重建後院咸豐十年燬同治年

間重建

重建泰清寺碑記

國朝邑人 徐文洞

泰清寺者吾江陰邑東之舊刹也東連龜嶺西接雞籠南則眾水滌洄東同襟帶北則層峯削劣倚若雲屏權

江陰縣志

卷三

寺觀 寺

六

興赤烏之年改額金元之際拓從勝代載在前碑條其興替之由供我摩拏而讀蓋自心儀般若頂禮真空過大士之雙林拜維摩於十笏見夫雲楣剝蝕月殿傾欹佛半坐於枯禪僧全參乎破壁毫毫色壞大非乾竺威儀瓔珞塵飄無復華嚴富貴以為支那之勝蹟阿耨之通津必有重振頽綱再維絕紐者矣無何星霜迭變桑海易遷歲次上章軍書旁午嘶聞白馬石亦被其三災劫換紅羊寺全付之一燼徒使狐狸啼月鳥雀悲風樵夫至而落葉打頭行人過而荒苔侵屐雖法身圓對梵王自有一天而象設陵夷菩薩僅存十地有彌勒佛焉據巖壑而中棲挺虛空以兀坐釋迦佛之螺髻鳥亦來巢諸天王之化身鷹每相逐快見城裏誰分帝釋之宮堅固林中莫贈鐙王之席淪胥至此歛歔同深已迨夫甲子紀元

聖人臨御

寶宏濟四生佛乃以清淨之身顯神通之力惟時里人有善士李周良者脩禪遠壑絕粒長齋冥契元關夢瞻寶相謂光回瓦屋庶幾羅漢歸來矧風起祇洄定有相輪飛至於是結茅成宇薙草棲真乘大願船濟眾德海舍城童子博粲飯依善慧仙人賣花作禮八正之門洞

啟四衢之軾高憑香火因緣緬絡繹而踵至煙雲結構
遂兀突於眼前不數月而寶殿崢嶸未一年而層軒延
袤虹梁紫柱幾疑吹沫而成螭角丹牆真是搏沙而聚
輝生龍象喜動人天洵所謂幽谷無私有至斯響洪鐘
虛受無來不應者矣下官式闡禪風有慚慧業原識應
無恒質非學地所能知况乃機有殊源詎意生之易及
惟是三千世界百億須彌願以煩惱薪火之智慧願為
功德水逮以津梁締到勝緣試證菩提之樹偷來剩語
偶談文字之禪

白龍寺在白龍山西北麓唐乾符四年建上有龍洞禱雨
輒應元季燬明洪武元年萬曆四十六年重建

國朝康熙間增建山門後樓咸豐十年燬

石佛寺在白龍山東北麓舊名棲真菴宋紹興間建成豐
十年燬

江陰縣志 卷五 寺觀 寺 七

香山寺在顧山宋建炎初建名顧山菴元季廢明洪武三
年重建天順初僧玉峯擴而新之請額於朝賜額觀音
禪寺內有昭明太子文選樓久圯

國朝乾隆五年知縣蔡澍重建樓咸豐十年燬今重建屋五

間

香山觀音禪寺記

明 徐有貞

顧山山小而有名者也其形勢像龜之左顧山是以
一謂之顧山一謂之靈龜山以其生蕙蘭芳草謂之香
山以其地當澄江梁溪琴川之交也又謂之三界山其
視蘇之虎邱潤之金焦泉石之清麗若不足而原隰田
壤之饒沃為有餘其前湖而後右江邇通茂苑遠連滄
海而以一卷之多嵒嶺之大蟠踞其間翼張味歛畫擘
而得之堪輿家以為勝地山之北麓有招提焉坐昭陽
而向元默宋建炎間有淨觀法師者遊歷顧山見其地

之勝也始卓錫開山甲乙相傳及元之季世燬於兵燹國初僧獨芳茂公載興而闢之其後穎中銛公承年昌公相繼而增修之至於玉峯珂公承三師之緒擴而宏之大殿中嚴兩廡旁掖凡其法中所宜有者無一不備天順改元之冬玉峯徒步北上以請寺額於朝事下祠部移文往來踰年而始從之勅賜額曰觀音禪寺玉峯因與其徒清徹勒石為記乃具事本末走中吳覲予三請之三辭焉而其勤弗已於是乎為記其山川之形勝寺院之規模與夫興修之事蹟賜額之年月以傳之方來使有所考云

章卿寺在章卿鎮吳赤烏間建一名資福元季兵廢明洪武三年

國朝順治十二年重建增置田畝

永壽寺在楊舍城內宋靖康元年建元季廢明洪武元年重建萬曆間修

江陰縣志 卷三十四 寺觀 寺

國朝康熙四十四年僧鑑如募修分東西兩房嘉慶二十一年三月火六月又火大殿西房俱燬住持募建西房能仁寺在毘山一名中山宋元豐三年僧勝法建元季廢明洪武元年重建

國朝康熙間修舊為董文敏讀書處

勸忠寺在由里山邱文定墓所宋淳熙間建元季廢明洪武三年重建宏治元年修後改名白雲菴

國朝雍正間重修復寺額

復勸忠寺記

國朝邑人 楊名時

江邑由里山之東其修然高者曰有宋名臣同知樞密院文定邱公之墓旁有寺曰勸忠貌公像而祀焉則皆

故宋賜地也惟公歷仕孝光甯三朝更踐台閫清風大節炳麟汗牘厥初易名實曰忠定賜寺之額其義較可知矣夫賢者之蹟久而不忘不惟其子孫之所愛護鄉人之所稱道苟過其地按籍而求之不得則悵惘歎息悲其溼鬱得之則徘徊瞻顧生其景仰雖檐楹壞缺碑碣殘斷猶足以激發忠義而感慨興起所繫顧不重歟然而世遠澤衰寢以譌易或有訐迹鄰近心豔其地而思侵蝕之者寺改爲菴額則撤勸忠而白雲之謂是浮屠氏之常居耳漉滅往蹟無復顧忌邱之宗人以爲憂邑之士夫亦不善是也合詞請於邑令葉侯葉侯備謁諸監司節憲則皆曰復還舊觀畫明地分俾邱氏世守勿替永絕侵蝕之萌凡所以昭忠而教孝甚盛事也家書來南述邱氏之指乞文之以示後無已曩者余嘗憩於斯矣古人有言曰思其人猶愛其樹矧以爲棲神之所乎抑是寺明洪武時詔有司葺治矣宏治之元宜興少師徐公又從而碑之古之人倦倦於此而必欲存其故者則必有以焉耳爰紀歲月用答其意且以諭邑之士夫若公之生平行誼則國史書之地形之廣袤及寺創始修復之顛末則家乘存焉無俟予言也

江陰縣志

卷三十四

寺觀

寺

九

悟空寺在青陽鎮卽隋招隱院宋太平興國五年改今名元季廢僅存浮圖名華藏塔明洪武十三年重建

國朝康熙間修道光十六年夏雷火塔燬

慈雲寺在馬鎮卽梁興建院大同元年建唐太和二年重建元季廢明洪武十七年復建又圯

國朝乾隆初重修道光八年火殿門俱燬九年重建山門

永安寺在夏港鎮宋咸淳間徐膺捨宅建元季廢明洪武六年重建咸豐十年燬

禪鄉寺在利城鎮前宋蕭惠開爲父思話建元季燬明洪武初重建寺界武進江陰孔道中內設官廳五間爲官

司路饌所

國朝嘉慶三年建大悲閣道光四年增建兩廡及天王殿咸豐十年燬

後梅寺在後梅鎮原名報恩宋淳熙四年建元季廢明洪武五年修

國朝道光十八年修

菴

紫金菴在花園巷明諸生董去華室黃氏建爲尼居後鬻於營兵

國朝康熙十七年贖建火神廟萬佛林地亦併入乾隆四十

江陰縣志

卷三

寺觀

寺

菴

十

三年重建佛堂嘉慶十八年增建後殿咸豐十年燬同治四年知縣沈偉田倡捐重建

三元菴在三元坊巷俗名三官堂明嘉靖間建

國朝康熙間修咸豐十年燬

華嚴菴在學院署後本明學使毛一鷺生祠眾後毀其像爲菴內有窰變觀音像蹟頗靈異咸豐十年燬

準提菴在南城內

國朝康熙二十六年僧眉仙捐建咸豐十年燬同治八年畫

地爲南城義塾十年僧永蓮以餘地重建菴屋

普濟菴在縣治西南一名西園明萬厯間馮時熙施家園

建池水四周爲放生所咸豐十年燬今菴僧次第重建
大殿五間從屋兩間

甘露菴在縣治南明天啟元年楊傑捨宅建傑卽玉林禪
師祖也內有義井咸豐十年燬

法華菴在學宮前

國朝順治八年僧棲碧募建成豐十年燬光緒三年蔡氏後
裔呈准將菴基撥歸蔡公祠

湧塔菴在興國寺東北明僧慧壽建與興國寺浮圖對峙
方塘如鏡倒影涵波故名

國朝時有興廢道光十五年修咸豐十年燬今菴僧次第重
建

江陰縣志

卷十四

寺觀 菴

十一

十信菴在城隍廟西北明萬厯間袁一驥建

國朝乾隆六年修咸豐十年燬

琪琳菴在小教場西一名河南廟

國朝雍正間知縣魏化麟毀五通像建乾隆五十六年增建
呂祖殿三楹咸豐十年燬同治二年土木工捐建頭門
三間大殿三間供奉魯般神位十年里人添建房屋三
間

眞如菴在春暉門外門徑紆折竹林數畝塵囂不到爲楊
文定公讀書處咸豐十年兵燹僅存頽屋數椽同治間

僧西鴻陸續修建

乘願菴在春暉門外明萬厯間建

國朝道光元年因迎春館廢里人移建東平廟於菴右權為

迎春之所咸豐十年燬

華嚴菴在雙牌五保咸豐十年燬同治十三年里人集資

重建

十方菴在朝宗門外本祠山廟明萬厯間僧廣寂增建

國朝康熙二十一年僧劍菴始創法席後遞加修葺遂成叢

林乾隆五年冬大殿火廢僧長齡募捐重建咸豐十年

兵燹僅存頽屋數椽同治間菴僧陸續修建

江陰縣志

卷三

寺觀·菴

十三

十方菴記

明邑人 貢修齡

善知識誅茅結草四方善信應之遂成伽藍其後子孫
 各領一眾各私利養流為應赴至不知佛法為何事非
 開山者立法之不善實後人不知遵守之過也惟雲棲
 蓮池大師深鑒此弊峻設規條至今不替吾邑常惺長
 老蓮池高足自粵東回取祠山廢址勸立十方雲水禪
 院蓋已示無遮無作之義矣復做蓮池大意立十誓約
 以廣厲護持而尤致戒於慎選當家不收徒眾不立化
 緣不廣田畝俱一一取記神天極其倦切乃輪轉不久
 未免稍有踰軼慮寢遠日弛欲以諸約鑄諸石使大眾
 時時相顧警省請記於子子惟遺教經云凡我滅後當
 尊重珍敬波羅提木叉今十約即此菴之木叉也觀其
 詞當想其人可不思保綏清禁而甘令門風墮落以負
 其一片婆心乎遂矍然

圓通菴在朝宗門外初名悟石菴明萬厯初建

國朝康熙五十二年僧道元重建大殿咸豐十年燬同治間

重建

法喜菴在朝宗門外明嘉靖末薛如淮建萬厯間僧元成等募修咸豐十年燬

長樂菴在天慶門外明萬厯間僧眞福募建

國朝順治間增建雷祖殿咸豐十年燬同治十年重建

吉祥菴在天慶門外

國朝順治四年建嘉慶二十一年僧與高修咸豐十年燬同

治五年里人集資重建屋三間

二里菴在天慶門外以離縣治二里故名明崇禎十八年
建

江陰縣志

卷三

寺觀

菴

十三

國朝雍正六年僧彬文募修咸豐十年燬

妙峯菴在西五里亭嘉慶十八年重建大殿山門

圓覺菴在君山南麓俗名黃泥菴明崇禎間僧覺海始結

茅藥雨碧天相繼擴之易今名

國朝康熙間善鑑建大殿乾隆三年守貞重構前殿八年慧

海建藏經堂五間知縣蔡澍額曰枕山五十三年增建

大悲閣咸豐十年燬同治間菴僧陸續重建

潮音菴在黃田港口明萬厯間建港爲南北要渡建菴以

憩行旅有并亭一座

國朝康熙四年僧德悟修咸豐十年燬光緒元年重建

綠蘿菴在黃田間西明崇禎間建咸豐十年燬

長壽菴在五堡明崇禎間僧性智建咸豐十年燬同治十年重建

法雲菴在五堡

國朝順治八年僧海湘改建偶菴禪師居此閱藏經又名閱藏菴咸豐十年燬

法憩菴在綺山鎮卽三里廟舊址明萬曆四十二年僧如止建內有義井壁有小楷心經

善慶菴在綺山鎮卽七里廟舊址明崇禎間建

白雲菴在綺山西俗名小山灣內有泉咸豐十年燬今里

江陰縣志

卷三

寺觀菴

古

人結茅供奉佛像

慶雲菴在雲亭鎮明萬曆初建董其昌讀書其中題金粟祥居額咸豐十年燬今菴僧結茅以供佛像

飛錫菴在定山巒塔灣唐法響禪師駐錫於此故名玉乳泉在其下咸豐十年燬同治十二年僧朗月募建

定峰菴在定山南明萬曆中僧文玉建崇禎己卯孝廉曹玘重修

國朝咸豐十年燬同治十三年僧朗月募建

寶倉菴在女山灣明萬曆間建

國朝順治間玉林禪師命徒超敬住持建屋拓基近菴十里

河港悉爲放生所東有不退禪師塔咸豐十年菴燬
雙林菴在女山灣明初建岡巒四繞長松怪石錯置森峙
爲林壑之勝玉林禪師卓錫於此菴左爲女仙臺咸豐
十年菴燬

法鎧菴在周莊鎮

國初僧雲貫募建乾隆間履恭募修咸豐十年兵燹僅存山
門

洪濟菴在周莊鎮北康熙間僧愷成建咸豐十年燬同治
間里人集資重建

青龍菴在周莊鎮東明崇禎八年僧能化募建

江陰縣志

卷三

寺觀菴

五

國朝康熙四十三年僧定慧募修咸豐十年燬光緒元年里
人重建

護龍菴在華墅鎮明貢修齡建以龍砂兩山之脈直走長
涇故建菴鎮之

三覺菴在華墅鎮明崇禎八年建

興濟菴在長涇鎮明崇禎間建內有放生池

國朝順治間蘅菴禪師居此道光十六年修咸豐十年燬
同聚菴在長涇鎮

國朝順治間建同治二年燬僅存旁屋數楹

元善菴在長涇鎮卽東平廟同治二年燬十二年僧明通

募建

妙嚴菴在顧山鎮宋咸淳元年建咸豐十年燬

來鶴菴在顧山鎮一名圓通順治十三年秋一鶴飛來且翔且下數日而去以此易名咸豐十年兵燹殘破同治間陸續重修

來鶴菴記

國朝 錢陸燦

菴在江陰縣東八十里而遙其里曰曹莊又五里卽入常熟界之西初菴名曰圓通成化間吳西郊建萬厯間其孫敬學修至順治丙申秋空中飛一鶴來且翔且下啄且盤桓於菴者數日而後去於是吳氏之孫疑隘茂才諱復清者改曰來鶴而請張尙書大圓居士顏其額自成化迄今康熙若干年今日粗告歲事厥惟艱哉師泰州宋宣莊徐氏子也十二歲父慧公母錢氏見背薤染於萬壽寺爲沙彌崇禎丙子從其師祖天然師月輝

江陰縣志

卷五

寺觀菴

共

渡江由黃田港趨北角道中將泛海潮朝禮普陀而假道於茲茂才方以菴之莫與爲也而見此三人者非常僧謀於介眾請師住持曰普陀非遠茲菴非近佛祖心印捐身誓命卓錫重城聖箭時三人許之五十年來心力殫盡酉戌之間二人示寂而師單身除饑崇揭山門掃除蒿藜佛殿正中兩廂夾鎮以庖以福且飭且浚又池以西塔院殿宇力役躬親書其棟宇曰惟海張於是抒信行力捐鉢單施買常住田百餘畝而施主張念成俟助田一十畝有七分茂才之弟寂覺在菴修持田三畝有一分五釐計田一頃又若干畝菴基東買白潭魚池爲眾姓四時放生之所菴之中鐘魚響答器用庀具菴之外竹樹茂密藩落闔固而師則又曰海賑發普陀之願而來因山主之請而住今年七十二矣自今日以往海賑之事畢自今日以後則吾嗣守茲菴者之責亦茲方善信始終護持之力是恃嗣守之責則吾徒孫照德是賴凡係茲菴之一瓦一椽一草一木一陞一弓如護祖父如球頭凶護持之力浮圖之香火卽檀越之因果有其舉之莫可廢行百里者半九十海賑請以居士之文焚於韋神爲聰聽於我佛而勒諸石爲護法佛家多以夢幻泡影爲空而空而能靈者吾卽以鶴

當之昔時之鶴忽然而來來於空也而兆茲菴之有勝
因今鶴之去亦去於空也而菴在卽鶴在在卽空也安
知吳氏父子不焉儀而爲鶴而與天然月輝
輩往來於常寂光以善護茲菴乎遂書爲記

蓮燈菴在顧山鎮咸豐十年燬同治間重建

無量菴在楊舍城內亦名真武廟明洪武間建

舊志嘉靖戊午建城

後時有火災形家言真武廟高其殿脊可免居民相與新之火患遂息崇禎乙未僧淨六募修

三聖菴在楊舍城隍廟左供三元帝皆銅像

國朝道光八年修

法水菴在后塍

大慈菴在大橋鎮舊在南沙東興圩

國朝道光六年移建

江陰縣志

卷三

寺觀 菴

七

柏林菴在雷西堡明萬厯間建以菴前後多植柏故名

國朝僧宵樹以清希文俱能詩非臺能畫

渡船菴在鎮山南江船於此濟渡故名

鎮海菴在鎮山北菴南有解崇泉西卽桃源洞

竹林菴在白沙堡明建

國朝乾隆間僧獨巖重修

慈濟菴在三官鎮咸豐十年燬同治五年僧西鴻募建

寶蓮菴在三官鎮祀水神英佐侯咸豐十年燬同治四年

重建

雨香菴在長壽鎮康熙間僧天益建

寶樹菴在茂墅墩林木深秀中有金錢松一株蒼古蟠鬱
故名尹嘉賓讀書於此

麒麟菴在昆山南一名騎龍

國朝康熙間建以便行人憩息

澤枯菴在祝塘鎮萬骨塋旁一名愍忠

國朝順治二年僧印白收埋殉難遺骸即結廬於此十八年

邑人爲之建菴咸豐十年燬同治十年里人黃熙典等

集貲重建屋三楹

澤枯菴記

國朝邑人沙張白

大兵底定西北跨齊魯平中州席捲大江以北檄金陵金陵
君臣相率潛遁長驅轉戰勢如破竹數千里之地罔敢

江陰縣志

卷五

寺觀菴

六

一矢加遺誠天命也而江陰以九里之城百二十里之
疆索士民倡義首逆顏行堅守孤城者三閱月糧盡援
絕招之不降城且破男婦老幼自盡者被戮者十餘萬
人無一乞降者可謂愚矣惟其愚也故能不計強弱不
擇利害而視死如歸子嘗觀天下事敗壞於不愚者之
多而深歎此蚩蚩之眾能爲千百世存忠義一脈也城
之初破積雨連旬殘骸腐屍縱橫遍地有僧印白衝泥
塗冒臭穢奪遺骸於餓犬貪鴉之口者二萬七千有奇
一時仁人孝子覓親骸而不得者多爲此僧所先不無
遺憾然此僧以煢然子身倡義收殮使合城義骨不爲
京觀而爲首邱厥功偉矣又一年盡載其屍買地瘞之
名曰萬骨塋築菴其旁曰澤枯而屬予爲之記予嘗博
稽載籍而歎江城慘禍前此未有也昔者堯君素之蒲
坂李廷芝之揚州殺其將矣百姓不與也張許殉節於
睢陽江州見屠於曹翰殺其民矣有巡遠胡則之忠義
智勇爲之倡也而江陰無之其始也人自爲戰不煩勢
率而威驅其後也人自爲死不從容與慷慨嗟乎封
比干之墓殷之貴戚也茲則閭巷之中無非比干旌仁
瞻之忠南唐之人臣也茲則婦孺之流莫非仁瞻腐齒
堅於金石青燐光於日星初何嘗計及後有人焉收其

屍而葬之憫其愚而弔之也哉嗟乎龍戰之際薄海沸騰安危呼吸稍號明哲便可瓦全而瑩中諸人弗顧也挺螳臂以當車轍舉一卵而抗泰山以十萬匹夫匹婦之微爭萬古名教綱常之大謂之愚不誠愚哉瑩在祝塘之梧蔭菴去瑩不數武四方之人頗有聞而弔者低徊留戀不欲遽去異日日久論定安知不與比干之墳劉仁瞻之廟同不朽於天壤之間也乎弔遺跡者可以廉頑立懦而鼓義理之勇愚者之有裨於世道賢於不愚者多矣孔子曰其愚不可及也夫

香草菴在祝塘鎮順治間僧省凡募建其後雪章聲御相繼增修地廣數畝四圍積水環浸跨板橋通之中間像設莊嚴庭前雜植花藥菴西隙地畝許鑿為放生池咸豐十年燬光緒元年節婦陳玉德妻陸氏捐資重建

香草菴記

國朝邑人 孔毓璣

江陰縣志

卷三 寺觀 菴

九

國朝

祝塘之東偏有香草菴經始順治間省凡禪師買地結茅為開山祖厥後大司農靜涵張率諸檀敦請雲章大師卓錫於茲茲菴之規模始大今聲御長老其法嗣也地方廣可數畝四圍積水環浸跨板橋通之中間像設莊嚴香臺石砌之屬備極精麗庭前雜植花藥盆山小景擅絕一時秋來則金粟飄香馨聞數里菴之西隙地畝許雪公之塔在焉鱗介之族沈沈存出沒歷歷可數則諸檀捐貲捨為放生池者也憶余少時參雪公方丈叩上乘之旨迄今微言大義顯然猶在心日而雪公之化去則已三十餘年矣計此三十餘年中合鎮之風土變遷老成凋謝即堂宇之巍然者亦不勝舊時王謝之思而茲菴之景物悉仍其舊田廬式闢且視昔有加焉然後嘆浮屠氏之居猶不能無需於似續而况於族姓乎戊子冬余甥汪子天聲以公車來京師聲公寓書於邸舍屬余一言為記蓋恐成蹟久而就湮而漁者或重辜始事之心也吾吳名君子什伯於茲菴者何可勝數而義取於放生即仁人君子對時育物之心也斯義也茲菴藉不朽而聲公之願力亦得有所托以並垂於無窮其間護持而培植之則在諸君子矣

復興菴在祝塘鎮咸豐十年燬同治間重建
湧蓮菴在祝塘鎮咸豐十年燬同治間重建
松峰菴在祝塘鎮咸豐十年燬同治間重建
江月菴在祝塘鎮俗名王家菴咸豐十年燬同治間重建
盤石菴在文林鎮宋端平三年建明洪武間重建

國朝雍正八年僧麗五修

奉先菴在文林鎮宋端平三年建明洪武三年重建
迎龍菴在迎福橋南咸豐十年燬同治四年里人集資重
建屋五楹

山居菴在由里山南李介立隱居處今廢

江陰縣志

卷三

寺觀 菴

三

大樹菴在蔡村

邢泗菴在邢泗橋今名梵音宋建明崇禎間修咸豐十年
燬同治五年重建

寶華菴在丁家蕩東有放生池咸豐十年燬同治五年僧
松秀募建屋六間

大隱菴在蔡涇咸豐十年燬同治五年僧智慧募建
淨土菴在謝園鎮明嘉靖間建

國朝康熙間修咸豐十年燬同治十年里人集資重建光緒
二年復建大殿五間

黃梅菴在月城鎮

胥林菴在夏城鎮

彌陀菴在夏城鎮秦望山南咸豐十年燬廢基撥入義塾
朱姓稟縣以田互易改爲墳塋

采莊菴在黃橋鎮宋崇凝間建爲江陰陽湖交界通衢置
井建亭以便行人

普福菴在黃橋鎮咸豐十年燬同治十年里人集資重建
道成菴在道成墩許真君修道處

凝秀菴在青陽鎮明萬厯間建

三祇菴在塘頭橋明萬厯間僧坦然募建

國朝僧無礙重修咸豐十年兵燹頽壞同治六年僧祥瑞募

江陰縣志

卷三

寺觀 菴

三

修

普靜菴在青陽鎮雍正間建咸豐十年燬同治間菴僧重
建

慈力菴在青陽鎮咸豐十年燬同治間僧應如集資重建
靜修菴在馬鎮康熙間僧靜修募建咸豐十年燬同治四
年里人集資重建

卽山菴在璜塘鎮明建同治間燬光緒二年重建

洗心菴在璜塘鎮一名水墩菴

衍慶菴在蕭岐鎮

兜率菴在夏港鎮宋淳祐間建咸豐十年燬

梵音菴在柴葫橋明建

騎龍菴在觀山鎮一名觀山菴咸豐十年燬

福慧菴在觀山鎮一名寶株菴咸豐十年燬

崇福菴在觀山鎮明建

國朝嘉慶二十五年僧開元重建咸豐十年燬同治間里人
集資重建

天福菴在虞門鎮宋天聖二年建明洪武元年重建有塔
曰瑞祥歲久圯

國朝道光十八年重建咸豐十年燬同治五年里人集資重
建三楹九年續建四間

江陰縣志

卷三

寺觀 菴

三

東甯菴在申港鎮一名東菴相傳吳赤烏間建咸豐十年
燬

鳳塔菴在申港鎮咸豐十年燬今改建社廟

西竺菴在後梅鎮

興隆菴在利城鎮乾隆間徐烈成勅建咸豐十一年燬光
緒元年里人集資重建

福源菴在前周鎮宋淳祐二年建明洪武六年重建
河口菴在丁國山明建

國朝康熙間增建殿宇咸豐十年燬同治六年僧玉朝募建
接引菴在丁墅鎮一名茅菴明萬厯間建

觀

天慶觀在天慶門內俗名西觀宋祥符二年建先是元年正月初三日天書降詔為天慶節十月令天下建天慶觀天聖元年以天慶聖節齋醮所費至廣詔禮儀院裁減江陰道士許自然進狀云黃帝內傳西王母降於帝宮帝為設饌食王母云仙眾不飲不食豈享人間饌乎請自今止備香燭花果山泉藥苗宰臣馮拯以其言奏之自此齋醮不用饌元元貞元年改名元妙後兵廢明洪武永樂間重建萬厯間燬崇禎間重建玉皇閣龍虎殿

國朝乾隆三十五年建山門嘉慶九年修玉皇閣道光六年修藥王殿十五年修祖師殿舊有碧玉亭丹樓諸蹟久廢咸豐十年觀俱燬同治十一年集資重建藥王殿五

江陰縣志

卷十四 寺觀

觀

三

楹

天壽觀在南街俗名東觀宋陳錡入元不仕施宅建明成化間道士張元靜重建玉皇殿嘉靖間徐德清修

國朝康熙初建斗姥閣乾隆四十九年改建山門舊有清隱軒竹鶴軒載夢舟諸蹟殿壁神將畫像奇古相傳為明桓法師圖筆後剝蝕重繪失舊時神理矣咸豐十年燬

天壽觀記

明邑人 卞榮

江陰城之東觀肇於前朝賜額曰天壽蓋老氏之徒祝釐於斯也三清有殿在觀之東南觀內閒地一方僅若干畝迺故宮遺址既多歷年鞠為茂草若荒墟然有鍊師張元靜曩歲曾預選修道藏經居京師請命於以正邵真人等願以是閒地鼎建玉皇殿於三清之後真人等躋之即以拜賜內帑付元靜遂命工雕刻聖像巍然

肅然仍以四相翊於左右舟載南歸跋涉數千里罔郵
其艱邑人之樂施者日積月累鳩工庀材務底完好毋
庸粗畧其間有承事郎鄭公遜屢給所費助其不及始
克翕然就緒經始成化戊子之春訖功辛丑之秋棟宇
嶙峋金碧輝燿居者往來者莫不觀像而起信學道之
士益有以闡其元教而振其宗風焉凡所禳禱乞靈靡
不立應其惠及於人不淺矣抑惟元靜固秉心惟一而
猶善於養素氣足以奮之故不餒智足以明之故不惑
財足以負之故不撓其克成厥美永奠攸居繼自今神
明斯格神貺臻而天壽之無疆斯徵矣爰用登載俾後
有所見焉

重修天壽觀記

明邑人張袞

子惟宮觀之設多據名山臨福地而江陰天壽觀居縣
治之中前臨高壤後接塵廬林木秀清岡巒映帶謂之
城市山林可也觀之基相傳宋翰林陳琦故宅琦入元
不仕因捨為觀四世孫昌言與其子大智疊跡逃俗遠
訪名山提點觀事虔修釐祝朝命錫名天壽觀云是後
其徒有若吳清隱若余然復若吳繼祖皆能世嗣其宗

江陰縣志

卷五

寺觀

觀

五

風元末觀毀於火繼祖嘗一復之觀稍治閱世若干又
得徐祖壽蔣得真為充拓始建玉皇寶閣前有門左右
有廡旁之隙地穿水為池作亭其上至是風雨剝蝕人
力不修觀復大壞道會徐德清歎曰觀名天壽吾徒朝
夕焚祝聖天子萬壽地也此之不治得為臣乎於是出
其私錢陶甃選材盡力以治寶閣元宮三門遂宇周廬
曲逕莫不秩爾具舉歲壬寅子從太學貶秩東歸過其
宮見其鼎新若此驚問誰為之曰此徐道士力也未幾
子之官金陵不再聞癸卯冬德清復來請文子不能辭
嘗聞道家者流其教本出黃帝老子以清淨無為為宗
虛明應物為用慈儉不爭為行德清能是與否子不能
知獨其修觀一事不告有司不勤勸募而忠敬一念惟
之為者予故并書其事而刻之

三元觀在前周鎮宋時建後廢明萬厯元年重建

國朝咸豐十年燬光緒三年重建

院

佑聖道院在周橋南卽真武廟宋元祐間建元至元間明

永樂三年

國朝乾隆間重建咸豐十年燬

君山禪院在君山東嶽廟東偏明萬厯間建今燬

永定禪院在永定壩與黃田閘相對奉金龍四大王像門
有高樓

國朝康熙四年建乾隆四年修咸豐十年燬

繖湖精舍院在周莊鎮一名珊瑚院本宋放生道觀舊址
元僧改建旋廢明初重建

國朝順治間又廢康熙三年僧雪巖重建咸豐十年燬

江陰縣志

卷三十四 寺觀院

三十五

放生池記

宋縣丞 蘇 磻

皇帝卽位之二十載四方清夷文修武偃曠典逸章莫
不以次蒐舉乃春正月有旨天下郡置放生池廣周天
之澤從有司請也臣代置守符仰承德意敢不祗若明
天子之命江陰距城三十五里有繖墩焉考之圖牒不
載所自地勢爽塏其形蟠植若偃蓋然流水回環有茂
林修竹蔭映於其上廣閑靜深魚鳥是宅不勞疏築宛
然天成若有俟於今日者臣乃布宣惠化告諭農老設
網罟不入之禁而水陸之居得以生息茂遂其皇明之
所燭慈愛之所被願不深且遠哉白唐肅宗置天下放
生池八十一所昇州刺史顏真卿以文學名世撰述其
碑請御書題額以光揚不朽願臣何人而敢追躅然作
爲歌詩歸美報上此臣子之大義有不可以燕累辭者
謹齋心滌慮再拜稽首而銘之以詩曰於鑠炎宋文昭
武烈奄有四方載垂二百天子明聖再造丕基輔贊彌
縫時維帝師措安天下混一南北推此皇慈仁民愛物
仁民伊何兵寢不試愛物伊何蕃殖庶類惡殺好生恩
霑動植忠厚之政光於簡冊乃布睿旨徧爾寰宇潏彼
陂池廣育鱗羽長江之陰地號繖墩流水四環魚龍之

困以流惠澤以遂生息水居陸居安知帝力堯舜而上
德施溥博草木昆蟲罔不蒙福烏獸咸若夏后致平靈
沼是營周文以甯鴻惟國家超軼前後凡在覆幬畢
臻仁壽歸美君上臣子之義稽首勒銘以詔萬世

盛唐院在顧山鎮

兜率禪院在香山中峯頂

國朝康熙二十八年建

光嚴院在長壽鎮陳天嘉二年建明洪武十年重建

國朝康熙五十三年修咸豐十年燬同治十一年改積穀倉

九蓮禪院在由里山南明崇禎初建

國朝順治五年僧別溪通振拓地增建院有泉泠然構亭其

上曰冷光院左葛文康墓再上為普同塔咸豐十年燬

江陰縣志

卷三

寺觀院

三

同治七年僧增濤移廣照菴燹餘屋材修建屋五楹光

緒二年僧仁慶募建後殿七楹

仁壽院在青陽鎮宋建元廢明洪武間重建

國朝順治八年改建

錦樹道院在青陽鎮明萬厯間建

國朝雍正五年奉

勅重建咸豐十年燬同治間住持徐伯鈞陸續建復玉皇殿及從

屋二十餘間

錦樹道院記

國朝鄂爾泰

江左山川形勝南戒之山蟠列荆吳奔趨句曲為仙靈
窟宅道書第八洞天也句曲之脈東結於江陰而岷江

奔赴亦匯於江陰而入海晉時許旌陽真君修煉其地邑人因以旌陽名其里今相沿為青陽云昔青陽沈鶴江煉師棲真於此憚子靜三名養深者為桐山沈師之弟子桐山與徐子以時同師方子宗五宗五則師鶴江者也靜三囑余為錦樹道院碑記曰院故在旌陽里自鶴江師祖闢治弟子纘承勿替桐山沈師於康熙庚辰年值紀來京以時徐師住持院內壬辰年養深入侍桐山師於都職供道錄獲事

世宗於潛邸先師鶴駕已逝荷

世宗登極正五年

持勅相視院中規制買置田若干畝師弟石楚峯名慧深者現為住持

恩賚優渥小子養深感激泣下思勒貞珉惟公寵之以文敢請

聖恩思垂不朽其忠忱固有獨擊者斯真不墜旌陽之教而亦

江陰縣志

卷五

寺觀院

三

當世儒者所心儀也是為之記

白雲禪院在青山宋建沈志為青山菴蔡志為白雲菴

正宗禪院在觀山鎮俗名龍墩菴宋宣和三年建

國朝康熙間重建道光十二年修咸豐十年燬

鳥窠禪院在秦望山西舊名蘆崎菴中有鳥窠禪師放生

池白樂天題額咸豐十年燬廢基由縣變價撥充西郊

書院及本鎮義塾經費今為金氏墳塋

普濟院在前周鎮宋建明洪武八年重建

國朝順治六年重修咸豐十年燬光緒元年重建

水陸禪院在雙牌鎮咸豐十年燬同治五年里人重建

殿

藥師殿在雷西堡咸豐十年燬

張公殿在雷東堡

三官殿在三官鎮咸豐十年燬今重建

三茅殿在秦望山中峯康熙間僧正修募建乾隆二年僧

永明募建靈官殿知縣蔡澍題額曰第一仙班

玉皇殿在秦望山頂峯乾隆五年僧豁庵建成咸豐十年燬

光緒二年僧妙嚴募貲重建

真武殿在秦望山第三峯明洪武間建

國朝乾隆五年重修知縣蔡澍題額曰威鎮北極咸豐十年

江陰縣志

卷五

寺觀

殿

閣

三

燬同治六年僧妙嚴重建並增建觀音殿

閣

巽閣在東城內創始未詳明季兵廢

國朝乾隆五年知縣蔡澍卽城之東角樓建閣於上祀文昌

像後圯五十一年邑人楊昱陳琪卽明舊址倡捐建閣

三層奉關帝文昌魁星像於內咸豐十年燬

文昌閣在雲亭鎮道光間建咸豐十年燬同治十一年里

人重建

江陰縣志卷之二十四終

